

# Efesios

## *Efeso cjēnare ojoa ohoahye Pablo*

<sup>1</sup> Yuh̄u Pablo m̄sare Efeso wame tiri maca cjānare ojoa ohoaja. Yuh̄u Jesucristo yere buhe duti tiquiro cūriḡu ijiaja. Cohācjū tiquiro cahmeno sahata Jesu yuh̄ure tiquiro yere buheacj̄ure cūri. Sa yeḡu m̄sare Jesucristore sa wacū tutua-ducunare ojoa ohoaja yuh̄u. <sup>2</sup> Sa yeḡu Cohācjū mari Pac̄u mehna, mari p̄htoro Jesucristo mehna m̄sare quehnoa dutiaja. Tiquina yedohoye mehna quehnoano ijiya m̄sa.

## *Cristo yequina mari ijiḡu ihñano Cohācjū quehnoano yere marine*

<sup>3</sup> Cohācjū, mari p̄htoro Jesucristo Pac̄uro marine quehnoano yeducure. Ijipihtiye tiquiro ye uh̄m̄se cjē quehnoañe mehna tiquiro marine quehnoano yeducure. Marine tiquirore quehnoano wacū tutuaḡu yeducure. Cristo yequina mari ijiḡu ihñano sa marine quehnoano yeducure. Tiquiro sa yeriquiro ijiḡu ihñana quehnoano ño peoye mehna tiquirore quehnoano yahuducuuhna. <sup>4</sup> Ohō saha yeahye tiquiro marine tiquiro yequinare: Ahri yehpa ijiato pano tiquiro yequina ijianajare bese tuhasahye tiquiro marine. Sa beseahye marine ñañe mariena mari ijiatire. Sa yena ñañe mariena ijiaja mari, tiquiro ihñaḡu. Sa yero marine “Ñana ijire m̄sa”, nisi tiquiro. <sup>5</sup> Marine cahño, paja ihñano panop̄u ohō saha niahye tiquiro marine: “Yuh̄u mac̄u Cristo

yedohoro mehna tiquina y<sub>u</sub>h<sub>u</sub> pohna ijieta”, ni cūahye marine panop<sub>u</sub>. Tiquiro cahmediro sahata sa yeahye tiquiro marine. <sup>6</sup> Marine tiquiro sa quehnoano yegū ihñana ño peoye mehna tiquirore quehnoano yahuducuuhna. Tiquiro macano tiquiro cahñiquiro yequina mari ijigū ihñano quehnoano yere marine. Sa yena tiquirore quehnoano yahuducuuhna.

<sup>7-8</sup> Cristota ijire marine pecap<sub>u</sub> wahaborinare y<sub>u</sub>hd<sub>u</sub>oriquiro. Mari ñañe yerire tiquiro cohāgū ihñano, Cohācjū pehe mari ñañene bore. Cristo mari ñañe buhirire yariaro tiquiro diire cohāhye. Marine tutuaro cahño, marine paja ihñano sa ye dutiahye Cohācjū. Tiquiro masi pehoye mehna sa ye dutiahye tiquiro. <sup>9-10</sup> Sa yero marine tiquiro yeatire marine masigū yeri. Panop<sub>u</sub> apequinare tire masigū yerahye tiquiro. Ohō saha ijire marine tiquiro yeati: Tiquiro cahmediro sahata tiquiro t<sub>u</sub>hoturiro sahata ijipihtiyequinare ihcā curuata Cristo yequina ijigū yerota. Sa yero ijipihtiyere tiquiro ye ijigū yerota. Tiquiro queori pje ijigū <sub>u</sub>hm<sub>u</sub>se cjēnare, ahri yehpa cjēna gūhare, ihcā curuata tiquiro yequina ijigū yerota. Sa yero <sub>u</sub>hm<sub>u</sub>se cjēne, ahri yehpa cjē gūhare tiquiro ye ijigū yerota. Sa yero Cristo pehe ijipihtiyequina p<sub>u</sub>htoro ijirota. Sa ye ijipihtiyere tiquiro ye dihita ijirota. Sa ijia-tiquiro iji dutiahye Cohācjū tiquirore.

<sup>11</sup> Sa yero Cristo yequina mari ijiatire masino panop<sub>u</sub> Cohācjū marine bese tuhasahye tiquiro yequina mari ijiatire. Ahri ijipihtiyere cūahye tiquiro t<sub>u</sub>hoturiro sahata, tiquiro cahmediro sahata yero taro. <sup>12</sup> Sa yeahye tiquiro yere mari yeatire. Mari sa yegū ihñañe apequina tiquirore

ño peoye, “Tutuagũ ijire mũhũ”, nine. Ʋsã pehe judio masa Jesure cahme dũcarina ijina tiquireore wacũ tutua mahtarina ijii. <sup>13</sup> Mũsa gũhũ poto yahuducuyereta quehnoañe buheyere tũhori. Ti buheye mehnata Cohãcjũ cahapũ wahanata mũsa. Tire tũhona tiquireore wacũ tutuari mũsa. Sa wacũ tutuana tiquireo yequina wahari mũsa. Tiquireo yequinare ohõ saha ni-ahye Cristo: “Mũsare Espĩritu Santore ohoutja”, ni yahu cũahye. Sa yero tiquireore mũsa wacũ tutuagũ ihñano Espĩritu Santore ohori mũsare. Sa yero Espĩritu Santo mũsa mehna ijiro Cohãcjũ yequina mũsa ijiye tiyere masigũ yere tiquireo pehe. <sup>14</sup> Cohãcjũ marine yũhdũgũ yere. Sa yero came tiquireo cahapũ neanota marine. Marine tiquireo neato pano Espĩritu Santo pehe Cohãcjũ yere mari cũoatire masigũ yere marine. Cohãcjũ marine tiquireo sa yegũ ihñana tiquireore ño peoye mehna “Quehnoagũ ijire mũhũ”, niaja mari.

*Pablo Cohãcjũre sini basahye Jesu yequinare*

<sup>15-16</sup> Cristore mũsa wacũ tutuana ijigũ ihñagũ Cohãcjũre sa sini basaducujaja mũsare. Jesucristore mũsa wacũ tutuarire, ijipihtiyequina tiquireo yequinare mũsa cahĩdire tũhogũ Cohãcjũre “Quehnoare”, niaja. Ohõ saha tiquireore sini basaja mũsare: <sup>17</sup> Cohãcjũ ahmũse cjũno tiquireo yere mũsa quehnoano masiatire sini basaja. Sa yegũ tiquireore mũsa quehnoano masiatire sini basaja mũsare. Tiquireo mari pũthoro Jesucristo Pacũro ijire. <sup>18</sup> Sa yegũ mũsa quehnoano masiatire mũsare sini basaja Cohãcjũre. Tiquireo mũsare yũhdũoro, tiquireo yequina ijigũ yeri

m̄sare. Tiquiro sa yegũ quehnoa ȳhd̄uare marine. Tire m̄sa masiatire sini basaja m̄sare Cohãcjũre. Sa yegũ marine tiquiro ohoatire quehnoa ȳhd̄uaye ti ijigũ gũhare m̄sa masiatire sini basaja. <sup>19</sup> Ohõ saha m̄sa masiatire sini basaja m̄sare Cohãcjũre. Cohãcjũre wacũ tutuana mari ijigũ ihñano tiquiro tutuaye mehna marine yedohore. Tutua ȳhd̄uariquiro ijire. Ti gũhare m̄sa masiatire sini basaja Cohãcjũre. <sup>20</sup> Ti tiquiro tutuaye mehna tiquiro Cristo yariariquirore masoahye. Sa yero ùhm̄sepũ tiquiro poto pehepũ Cristore dujigũ yeahye Cohãcjũ, ijipihtiyequinare tiquiro dutiatio saha. <sup>21</sup> Topũ dujiro ijipihtiyequina ùhm̄se cjẽna p̄h̄toa bui, ijipihtiyequina apequina bui ijire Cristo. Sa yero yojop̄re ijipihtiyequina ahri deco cjẽna bui p̄h̄toro ijire. Camepũ ijipihtiyequina ape deco cjẽnapũ gũhare tiquina bui p̄h̄toro ijiatiquirota ijire tiquiro. <sup>22</sup> Sa yero ijipihtiyequina bui cũahye Cohãcjũ Cristore. Sa yero ijipih̄tiyere c̄oriquiro yeahye tiquirore. Sa yero Cristo yequina ihcã curua ijiyequina bui p̄h̄toro s̄oh̄ye tiquirore. Tiquina dapu ijire tiquiro pehe. <sup>23</sup> Cristo yequina ihcã curuata ijina, tiquiro pagũ yero saha ijiaja. Cristo ijipih̄tiropũ sa ijiducure. Sa yero ijipih̄tiye tiquiro bajumehnedi mehna sa ijiducure.

## 2

*Cohãcjũ marine cahño, paja ihñano ȳhd̄uoh̄ye marine*

<sup>1</sup> Ñãñe buhiri tina, pecapũ butiborina m̄sa ijiepegũta Cohãcjũ m̄sare ȳhd̄uori. <sup>2</sup> Panop̄re

ahri yehpa cjēna Cohācjūre yḥdḥdḥcayequina yero saha yemedi mḥsa. Sa yena watīno tiquiro ni-diro saha yemedi mḥsa. Tiquiro watīno ahri yeh-papḥ dutiriquiro Cohācjūre yḥdḥdḥcayequina pḥhtoro ijire. <sup>3</sup> Panopḥre ijipihina mari ohō saha dihita yerina ijimi. Mari ñañe dihitare tutuaro cahmemi. Mari esa tuharo, mari tḥhoturiro saha yemi. Sa yena ijina ijipihitiyequina apequina yero saha, mari gḥhḥ ñana ijimi. Mari sa yena ijigū ihñano Cohācjū mari mehna usuaro, buhiri dahre duamahye. <sup>4</sup> Sa ye duariquiro ijieperota marine tutuaro paja ihñano, quehnoano cahīdi marine. <sup>5</sup> Sa cahī yḥdḥaro, mari ñañe buhiri pecapḥ butiborina mari ijiepegūta marine tiquiro mehna sa ijiducuanaja ijigū yeri. Cristo yequina mari ijigū ihñano marine sa yeri. Marine paja ihñano, yḥdḥori tiquiro marine. <sup>6</sup> Sa yero Cristo yequina mari ijigū ihñano Cohācjū marine came tiquiro masoatinare cūri. Cristo tiquiro masoat-inare cūri marine. Sa yena tiquiro mehna masa mḥjanata mari. Sa yero ḥhmḥsepḥ marine Cristo mehna ijigū yerota Cohācjū. <sup>7</sup> Ohō saha yeri ma-rine tiquiro paja ihñarire, camepḥ ijiatiquinare masigū yero taro. Sa yeri tiquiro tutuaro cahīñene tiquinare masigḥ yero taro. Cristo yequina mari ijigū ihñano sa yḥdḥori tiquiro marine.

<sup>8</sup> Cristore mari wacū tutuagū ihñano Cohācjū marine pecapḥ wahaborinare yḥdḥori. Marine paja ihñano, marine cahīno marine yḥdḥori. Mari esa tuharo mari quehnoano yeye mehna Cohācjū cahapḥ waha masiedaja mari. Cohācjū pehe ma-rine yḥdḥore. Sa yero tiquiro mehna mari sa ijiducuatire ohore marine. Tiquiro sa ohogū

mari esa tuharo quehnoañene mari yeri wapa ijierare ti. <sup>9</sup> “ ‘Ûsã esa tuharo pecap<sub>u</sub> wahaborina y<sub>u</sub>hd<sub>u</sub>u’, niboaga”, nino ohõ saha dutiahye tiquiro: Mari esa tuharo y<sub>u</sub>hd<sub>u</sub> dutierare marine. <sup>10</sup> Cristo yequina ijigũ yeri marine Cohãcjũ pehe quehnoañe dihitare yeanaja mari ijiatire. Panop<sub>u</sub> quehnoañene mari yeatire cũ tuhasahye tiquiro marine.

### *Cristore c<sub>u</sub>ona mari quehnoano ijiaja*

<sup>11</sup> Sa yena panop<sub>u</sub> m<sub>u</sub>sa ijie tirire yojop<sub>u</sub> gũh<sub>u</sub>re wacũña m<sub>u</sub>sa. Cristo yequina ijieranina judio masa ijiena ijina m<sub>u</sub>sa acaye yero saha yerina ijimedi m<sub>u</sub>sa. Cuhnucun<sub>u</sub> cahserogãre y<sub>u</sub>hre nedari m<sub>u</sub>sa. M<sub>u</sub>sa sa y<sub>u</sub>hre nedagũ ihñana usã judio masa pehe cuhnucun<sub>u</sub> cahserogãre y<sub>u</sub>hre nena pehe m<sub>u</sub>sare ihña tuhtina ohõ saha nie tii. “Cuhnucun<sub>u</sub> cahserogãre y<sub>u</sub>hre neeñequina ijiye, Cohãcjũ yequina ijierare”, nie tii m<sub>u</sub>sare. <sup>12</sup> Ti pjere Cristo yequina ijierari jimedi m<sub>u</sub>sa. Ûsã judio masa pehe Cohãcjũ beserina ijie tii. Ûsã sa ijigũ “M<sub>u</sub>sare y<sub>u</sub>hd<sub>u</sub>outja”, ni cũahye Cohãcjũ usãre. Sa yena m<sub>u</sub>sa pehe tiquiro sa ni cũrina ijierari jimedi. Sa ye Cohãcjũ beseriquinare ihña tuhtina ijinimedi m<sub>u</sub>sa. M<sub>u</sub>sa ñaño buhirire pecap<sub>u</sub> wahanaja ijiri jimedi m<sub>u</sub>sa. Cohãcjũ mariena ijina pecap<sub>u</sub> waha, butiborina ijie tiri jimedi m<sub>u</sub>sa.

<sup>13</sup> Yojop<sub>u</sub> pehere Cristo Jesu yequina ijire m<sub>u</sub>sa. Panop<sub>u</sub> Cohãcjũre ihña tuhtirina ijiepenata, yojop<sub>u</sub>re tiquiro yequina ijire m<sub>u</sub>sa. Cristo m<sub>u</sub>sa ñaño buhiri curusap<sub>u</sub> tiquiro dii cohãri bato Cohãcjũ yequina ijigũ yeri m<sub>u</sub>sare. <sup>14</sup> Ûsãre judio masare ihña tuhtina m<sub>u</sub>sa ijigũ ihñano

Cristo marine ihña tuhti dutierari. Masare sa ni yahuriquiro ijire tiquiro. Usã judio masa, judio masa ijiena mehna pua curua mari ijigũ ihñano, tiquiro ihcã curuata ijigũ yeri marine. Mari cahme ihña tuhtirire duhugũ yeri tiquiro. <sup>15-16</sup> Ohõ saha tire yeri tiquiro: Mari ñaño buhirire curusapua yariaro marine pecapua wahaborinare yuhduori. Sa yuhduoro tiquiro yequina ijigũ yeri marine. Sa yero pua curua mari ijiepegũta ihcã curuata wahma curua ijigũ yeri marine. Sa yero panopua mari cahme ihña tuhtirina mari ijiepegũta marine ihña tuhtieragũ yeri. Sa yero judio masa usã dutiyere cohãri tiquiro. Ti dutiye marine pua curua iji dutiri jimedi. Yojopure ihcã curuata ijiaja mari. Sa yero Cristo Cohãcjũ yequina ijigũ yeri marine.

<sup>17</sup> Sa yero marine cahme ihña tuhtieragũ yero taro Cristo quehnoañe buheyere yahuro ahtahye. M̄sa judio masa ijiena Cohãcjũ yere c̄oerari jimedi. M̄sa sa c̄oeragũ ihñano m̄sare yahuro ahtahye. Usã judio masa pehe Cohãcjũ yere c̄ou. Usã gũhure yahuro ahtahye. Sa yero ijipihtinare marine cahme ihña tuhtieragũ yero, bosaro ahtahye tiquiro. <sup>18</sup> Yojopure ijipihtina mari judio masa, judio masa ijiena gũhũ mari Pacua mehna quehnoano iji masiaja mari. Espiritu Santo tiquiro yedohoye mehna mari Pacua mehna quehnoano iji masiaja mari. Cristo pehe marine sa ijigũ yeri.

<sup>19</sup> Sa yena yojopure ape dihta cjẽna yero saha ijierare m̄sa. Yojopure Cohãcjũ yequinare ihña tuhtina ijierare m̄sa. Cohãcjũ yequina mehna cjãna ijire m̄sa. Tiquiro ya curua cjãna ijire m̄sa. <sup>20</sup> Cohãcjũ yere yahu m̄htariquina panopua

cjēna tiquiro ye yahuducuyere ojoa, m̄sare yahue tiahye. Ɖsã ḡh̄h̄ tiquiro yere yahu dutiro tiquiro c̄rina ḡh̄h̄ Cristo yere yahue tii m̄sare. Ɖsã ijipih̄tina sa yahuḡã t̄hona, Cristore wac̄ũ tutua d̄cari m̄sa. Quehnoa ȳhd̄ariquiro, ñãñe marieniquiro ijiro, tiquiro yequina ijiḡã yeri tiquiro m̄sare. Tiquiro mariedaḡã mari ne ȳhd̄eraboya. <sup>21</sup> Sa yero tiquiro masiñe mehna marine tiquiro yequinare ihc̄ã curua ijiḡã yeri tiquiro. Sa yena tiquiro masiñe mehna quehnoana wahaja mari. Mari sa ijiḡã ihñano, tiquiro mari mehna ijire. <sup>22</sup> Sa yena Cristo yequina ijina ijipih̄tiyequina apequina tiquiro yequina mehna ihc̄ã curua wahari m̄sa ḡh̄h̄. M̄sa sa wahaḡã Coh̄c̄j̄ yaquiro Esp̄ritu Santo m̄sa mehna ijiro nine.

### 3

#### *Judio masa ijieyequinare quehnoañe buheyere yahuriquiro ijiahye Pablo*

<sup>1</sup> Sa yeḡh̄ ȳh̄h̄ Pablo, Cristo Jesu yere m̄sare ijipih̄tina judio masa ijienare ȳh̄h̄ yahuri buhiri peresup̄h̄ ijiaja ȳh̄h̄. <sup>2</sup> Coh̄c̄j̄ ȳh̄h̄re paja ihñano, ȳh̄h̄re cah̄no, quehnoañe buheyere m̄sare judio masa ijienare ȳh̄h̄re yahu dutiro, c̄ri. Tire t̄ho tuhasari m̄sa. <sup>3</sup> Panop̄h̄ m̄sare tiquiro yahuerarire Coh̄c̄j̄ yojop̄h̄re ȳh̄h̄re masiḡã yeri. Ahrire mehenoḡã yahu, m̄sare ojoa tuhasa. <sup>4</sup> Ȳh̄h̄ sa ojoarire buhena Cristo yere ȳh̄h̄re tiquiro masiḡã yerire masinata m̄sa. <sup>5</sup> Ti tiquiro yahurire panop̄h̄ cjēnare tiquiro yahuerahye. Yojop̄h̄ pehere us̄ãre Jesu c̄rinare, Coh̄c̄j̄ yere yahu

m̄h̄tariquina ḡh̄ure tiquiro yahurire masigũ yeri Cohãcjũ. Tiquiro yaquiro Espiritu Santo pehe usãre masigũ ye basari tiquirore. <sup>6</sup> Ohõ saha ijire tiquiro yahuri: Usã judio masa dihitare Cohãcjũ ȳhd̄oerare. Judio masa ijieyequina ḡh̄ure ȳhd̄orota tiquiro. Quehnoañe buheyere tiquina quehnoano t̄hogũ ȳhd̄orota tiquiro tiquinare. Sa yena usã judio masa, m̄sa judio masa ijiena mehna ihcã paḡu yero saha ihcã curuata ijiaja mari. Sa yena mari ijipih̄tina Cristo Jesu yequina ijina ihcãno saha Cohãcjũ “M̄sare ȳhd̄outja”, tiquiro ni c̄ũriro sahata tiquiro ȳhd̄onohrina ijiaja mari.

<sup>7</sup> Cohãcjũ ȳh̄ure paja ihñano, ȳh̄ure cahĩno ahri quehnoañe buheyere yahuacj̄ure ȳh̄ure c̄ũri. Tiquiro masiñe mehna sa c̄ũri ȳh̄ure tiquiro. <sup>8-10</sup> Ijipih̄tiyequina arequina Jesu yequina docap̄u ijieyequina tiquina docap̄u waro ijiaja ȳh̄u. Ȳh̄u sa ijiepegũta judio masa ijieyequinare quehnoañe buheyere yahuacj̄ure c̄ũri Cohãcjũ ȳh̄ure. Ti buheye Cristo quehnoa ȳhd̄ariquiro tiquiro ijiyere, quehnoa ȳhd̄aye tiquiro c̄oyere tiquiro ohoatire yahure marine. Ȳh̄ure sa c̄ũno Cohãcjũ “Ohõ saha ȳhd̄outja masare pecap̄u wahaboriquinare”, nino tiquiro ȳhd̄oatire quehnoano yahu pehoacj̄ure c̄ũri tiquiro ȳh̄ure. Sa yero panop̄u cj̄enare ti buheyere ne yahu pehoeraniahye Cohãcjũ. Ijipih̄tiyere bajumehnediquiro ijire tiquiro. Yojop̄ure quehnoañe buheyere yahu dutiro c̄ũri tiquiro ȳh̄ure, tiquiro quehnoano masi pehoyere masigũ yero taro. Masi pehoriquiro tiquiro ijieye tiyere ahm̄use cj̄ena dutiyequinare, angele p̄ah̄toa

gũhure masigũ ye duaheye tiquiro. Sa yero taro quehnoañe buheyere buhe dutiri marine Jesu yequinare. Mũsare judio masa ijienare yahu dutiri yahure.

<sup>11</sup> Ahri yehpa ijiato panopũta “Masare pecapũ wahaboriquinare yũhdũoutja” niaheye Cohãcjũ. Sa nidiquiro ijiro yojopũre mari pũhoro Cristo Jesu tiquiro yariaro mehna tiquiro nidiro sahata marine yũhdũori Cohãcjũ. <sup>12</sup> Tiquiro sa yũhdũogũ yojopũre Cristore wacũ tutuana tiquiro yequina wahaja mari. Tiquiro yequina ijina cuero marieno Cohãcjũ mehna yahuducu masi-aja mari. <sup>13</sup> Quehnoañe buheyere mũsare yahũ buheri buhiri yojopũre peresupũ ijigu yahũ ñano yũhdũgũ ihñana bujũna witieracãhña. Quehnoañe buheyere yahũ yahugũ tũhona Cohãcjũ yequina wahari mũsa. Yahũ sa yeri buhiri peresupũ ijiaja. Sa yegũ mũsa ye ijiatire ñano yũhdũgũ niaja. Sa yena bucueya mũsa. Tire tutuaro bucue dutiaja mũsare.

### *Cristo masare tutuaro cahĩne*

<sup>14</sup> Sa yegũ ahri ijipihtiye mari Pacũ tiquiro yerire wacũgũ tiquiro poto dũsepe curi mehna quehe sagũ sini basaja mũsare. <sup>15</sup> Tiquiro ijipihtiye cururi cjẽna, tiquiro yequina uhmũsepũ ijieyequina, ahri yehpapũ ijiniñequina gũhũ tiquina Pacũro ijire. Ijipihĩtina mari Pacũ ijire tiquiro. <sup>16</sup> Tiquirore ohõ saha ni sini basaja mũsare: Tiquiro masi pehoriquiro ijire. Tutua yũhdũariquiro ijire. Sa yero tiquiro masiñe mehna mũsare quehnoano tiquiro wacũ tutuagũ yeatire sini basaja. Espĩritu Santo yedohoro mehna sa yerota.

17 Sa yegũ Cristore m̄sa wacũ tutua nemoatire tiquiro m̄sa mehna tiquiro quehnoano ijiatire sini basaja m̄sare. Sa yegũ apequinare quehnoano cahĩna m̄sa ijigũ, Cristo tiquiro tutuaro cahĩñene m̄sa masiatire sini basaja m̄sare. 18-19 Ijipihtiyequina apequina Cohãcjũ yequina gũhũ Cristo tiquiro tutuaro cahĩñene tiquina masiatire sini basaja. Tiquiro ijipihtiyequina masare cahĩ yãhdũariquiro ijire. Sa cahĩniquiro tiquiro ijiye tiyere m̄sa quehnoano masiatire sini basaja m̄sare. Sa yegũ tiquiro cahĩñene m̄sa masigũ cahmeaja m̄sa mehna Cohãcjũ quehnoano ijiatire. Quehnoa yãhdũariquiro, ñaÑe marieniquiro tiquiro ijiro saha m̄sa wahatire tiquiro cahĩñene m̄sa masigũ cahmeaja. Sa yegũ tiquiro cahĩñene m̄sa masiatire sini basaja m̄sare Cohãcjũre.

20 Sa ye Cohãcjũre ño peoye mehna “Tiquiro tutuariquiro ijire”, niuhna mari. Tiquiro masiÑe mehna quehnoañe pehere camesa masine tiquiro marine. Marine quehnoana ijigũ ye masine. Mari sinidi yãhdũoro ye masine tiquiro. Mari cahmeÑene mari tahoturi yãhdũoro ye masine tiquiro. 21 Cristo Jesu yequina mari ijigũ ihÑaÑe, Cristo ijiye tiye gũhũre ihÑaÑe, ijipihtiyede decori ijipihtiyequina Cohãcjũre ño peohro. Sata yeahro.

## 4

### *Cristo yequina ijina ihcã curuata ijiaja mari*

1 Sa yegũ m̄sare tutuaro yahuaja: Cohãcjũ tiquiro yequina ijiatinare m̄sare besee tiahye. Sa

yena tiquiro beserina ijina tiquiro iji dutiro saha quehnoana ijiya m̄sa. Tire m̄sare yahuaaja ȳh̄. Mari p̄htore ȳh̄ yedohori buhiri peresup̄ ijiaya ȳh̄. Sa ye m̄sare quehnoana iji duti-aja. <sup>2</sup> “Usã p̄rita masi ȳhd̄d̄caja”, ni t̄hotuna ijieracãh̄. Apequinare quehnoano mehna yeya usuaro marieno. M̄sa mehna c̄j̄na m̄sare tiquina ñano yepeḡta tiquinare cah̄ñe mehna sa ih̄na cãh̄. <sup>3</sup> Sa yena Esp̄ritu Santo yedohoye mehna quehnoano mehna ihcãno mehna ijiducuya m̄sa. Sa yena cahmequeno marieno ijinata m̄sa. <sup>4</sup> Ihcã paḡ yero saha ihcã curua ijiaya mari. Sa yero Esp̄ritu Santo ihcãquiota ijire. Cohãcj̄ tiquiro yequina ijanajare m̄sare besee tiahye m̄sare ȳhd̄oro taro. Sa yena tiquiro ȳhd̄oatire masine m̄sa. Ti m̄sa masidi ihcãnota ijire. <sup>5</sup> Mari p̄htoro Cristo ihcãquiota ijire. Tiquiro buheye ḡh̄ ihcãnota ijire. Tiquiro yequinare wame yeye ḡh̄ ihcãnota ijire. <sup>6</sup> Sa yero Cohãcj̄ ihcãquiota ijire. Tiquiro ijipihtiyequina Pac̄ro ijire. Sa yero mari p̄htoro ijire. Sa yero ijipihtinare marine yedohore tiquiro. Ijipihtina mari mehna ijire tiquiro. Sa yero ijipihtior̄ ijire tiquiro.

<sup>7</sup> Ihcã curua mari ijiepeḡta ijipihtina marine mari ye masiatire c̄ri Cristo. Tiquiro c̄riro sahata ye masiaja mari. Tiquiro marine sa c̄no apee borore tiquiro sa oho cãriro saha yero nidi tiquiro.

<sup>8</sup> Sata nine Cohãcj̄ yere tiquina ojoari p̄r̄:  
Cohãcj̄re ih̄na tuhtiyequinare tiquiro ȳhd̄d̄cari bato tiquiro pari turi m̄jaa waharota. Sa m̄jano tiquiro peye sa oho cãnota masare, ni ojoahye panor̄re.

<sup>9</sup> “Tiquiro pari turi mājaa waharota”, tiquiro nigū coã warore tiquiro dijia tari gūhure mari masiaja. Ahri yehpapure tiquiro dijia tarire mari masiaja. <sup>10</sup> Sa yero ohōpūre dijia tariquiro tiquirota ijire mājaa wahariquiro. Ijipihtiye bui mājaa wahari tiquiro, ijipihtiropū ijiro taro. <sup>11</sup> Tiquiro ijire “Masare peye sa oho cāriquiro”, tiquina nidiquiro. Masare tiquiro sa oho cāno saha tiquiro peye tiquina ye masiatire cūri masare.

Ohō saha cūri tiquiro: Ihquēquinare Cristo ye buheyere buheatiquinare cūri. Apequinare Cohācjū yere yahu māhtatiquinare cūri. Quehnoañe buheyere buhe tiniatiquinare apequinare cūri. Cristo yequina cahmecoañequina pūhto ijiatiquinare, quehnoano buheatiquinare cūri apequinare.

<sup>12</sup> Sa dihita cūri marine apequinare tiquiro yequinare mari yedohoatire. Sa cūri marine tiquiro yequinare tiquirore mari wacū tutua nemoatire, tutuana mari wahatire. <sup>13</sup> Sa yena mari ijipihtina quehnoano mehna ihcāno mehna ijinata. Sata ijiro cahmene marine Cristore wacū tutuana ijina. Sa yena mari ijipihtina Cohācjū macūnore quehnoano masinata. Sa yena Cristo tutuariquiro, quehnoano masiniquiro tiquiro ijiriro saha mari gūhū quehnoano masina wahanata.

<sup>14</sup> Mari sa wahana macanagā yero saha ijisi mari. Macanagā quehnoano tūho masiedarīaga. Apequina tiquina buhegū “Ahri poto ijire”, ni tiquina ni meho buhegū macanagā yero saha ijiyequina apeye buheyere tūho, beseducure. Sa ye

apequina tiquina sijoro saha buhegũ ti buheye pehere cahmene. Tiquina yero saha ijisi mari.

<sup>15</sup> Ohõ saha yematja mari: Mari mehna cjẽnare cahme cahĩna, poto quehnoañe buheyere yahumatja tiquinare. Sa yena macanagã tiquina bucua tũho masiñequina tiquina wahariro saha mari gũhũ tutuana, Cohãcjũ yere quehnoano masina wahanatja. Cristo ijiro saha wahanata.

Tiquiro ijire mari dapu. <sup>16</sup> Tiquiro yequina ijina tiquiro pagũ yero saha ihcã curuata ijiaja mari. Sa yena mari caperi, mari cahmo, mari dahpocãri ihcã pagũpũ ti quehnoano ijiro saha mari gũhũ peyequina ijiepenata ihcãno mehna quehnoano ijiaja. Mari sa ihcãno mehna mari ijiatire Cristo yedohore. Mari omocari mari pagũre ti quehnoano yedohoro saha mari quehnoano yedohoaja apequinare Cristo yequinare. Sa yena mari mehna cjẽnare Cristo yequinare quehnoano cahĩna, tiquinare quehnoano yedohona, tutuana Cristore wacũ tutua nemona wahanata mari.

*Cristo yequina wahana mari ñañe yeyere duhu, quehnoañe pehere comesaja mari*

<sup>17</sup> Sa ye mari pũhtoro Cristo tiquiro dutiro mehna ohõ saha niitja musare: Cohãcjũre cahmeeñequina waro yero saha yeracãhĩna musa. Tiquina tũhotuye pehe ñañe dihita ijire. Sa ye tiquina tũhotuye dahseati ijierare. <sup>18</sup> Sa yero Sataana Cohãcjũ yere tiquinare tũhoeragũ yere. Sa ye tiquiro yere ne tũhoerare. Tũho duerare tiquina. Sa ye Cohãcjũ tiquiro quehnoano iji dutiriro saha ijierare tiquina. <sup>19</sup> Sa ye tiquina ñano yeye ne bue tiera yũhdũare. Ne bũjũa witierare. Ñañene

tiquina tutuaro cahmeñe dihitare yeducure. Ijipihitiye ti ñañene yeducuye duhu duerare. <sup>20-21</sup> MUSA pehe poto tiquiro yere tũhona mUSA ijigũ, Jesu yere quehnoano masina mUSA ijigũ mUSA pehere tiquina yero saha ye dutierare tiquiro. <sup>22</sup> Sa yena panopũ mUSA yerire duhu cãhña. Ti pjere ñañene yeducuna mUSA ijigũ ti ñañe pehe mUSARE dojomehneneno nimedi. “Ñañene yena, quehnoano bucuenata”, ni tũhotuna ijiepenata ne bucuerari mUSA. <sup>23</sup> Sa ye mUSA tũhotuyere quehnoañe pehere comesaro cahmene mUSARE. <sup>24</sup> Panopũ mUSA ñañe yerire duhu cãhña. Sa yena quehnoañe pehere comesarina ijiya mUSA. Ohõ saha ijiyequina Cohãcjũ yero saha ijire. MUSA sa ijina, quehnoañene yeducunata. Sa yena ñañene yabinata mUSA.

<sup>25</sup> Sa yena mUSA ni mehorire duhu cãhña. MUSA mehna cjẽnare poto yahuya, ni mehono marieno. Mari ihcã pagũ yero saha ihcã curua cjãnata ijina niaja. Sa yena mUSA basi ni mehoedacãhña.

<sup>26</sup> Apequinare usuana, tiquinare ñano yeracãhña. Sa yena usuana, ne yoari pje usuaducueracãhña mUSA. <sup>27</sup> Yoari pje usuana, watĩno tiquiro cahmeno saha yena niaga mUSA. Sa yeracãhña.

<sup>28</sup> Ihquẽquina mUSA mehna cjãna Jesu yequina mUSA ijianto pano yaquerina ijina pari turi yaqueracãhña. Sa yena yojopũre quehnoano dahraya pejecũoyequinare mUSA ohoatire.

<sup>29</sup> Ne ñano yahuducueracãhña. Quehnoañene yahuducuna apequinare yedohore mUSA. Sa yena quehnoañe dihitare yahuducuya. <sup>30</sup> Ñañene yena Espiritu Santore bũjũa witigũ yena niaga mUSA.

Sa yeracãhña. Yojoþare pihtiri deco pano Cristo marine tiqairo neato pano Espíritu Santo marine ihña ihbore marine ñañene ye dutieraro. Sa yero Cristo yequina mari ijiyere masigũ yere tiqairo marine. Sa yena tiqairore bujua witigũ yeracãhña.

<sup>31</sup> Sa yena ne ñano ye nemoedacãhña. Usua, cahme duse tutua nemoedacãhña. Apequinare ñano ni sañuducu nemoedacãhña. Apequinare quti dahre nemoedacãhña. Ne apequinare ñano ni tuhotu nemoedacãhña. <sup>32</sup> Sa ye msa mehna cjẽnare quehnoano mehna quehnoano yeya. Cristo yequina msa ijigũ ihñano msa ñañene bo cãhri Cohãcjũ. Ohõ saha apequina msare tiquina ñano yegũ ihñana tiquina ñañene bo cãhña msa gũh.

## 5

*“Cohãcjũ pohne ohõ saha ijiro cahmene”, ni yahuahye Pablo*

<sup>1</sup> Sa ye Cohãcjũ pohna tiqairo cahñona ijina Cohãcjũre ihña cũña msa. <sup>2</sup> Sa yena apequinare sa cahducuya. Cristo marine cahño, mari ñañe buhiri yariahye. Sa yariaro Cohãcjũre bucuegũ yeahye tiqairo. Sa yena marine tiqairo cahĩdiro saha msa gũh apequinare cahña.

<sup>3</sup> Sa yena Cohãcjũ yequina ijina ne numia mehna ñano yeracãhña. Numia gũh msa mehna ñano yeracãhña. Apeye ñañene ohõ saha ijiye ñañene yeracãhña. Apee borore cahme yuhderacãhña. Ne sa yeraro cahmene msare Cohãcjũ yequina ijina. <sup>4</sup> Sa yena buoyere cahme yahuducueraro cahmene msare. Tuho masieñequina yero saha

yahuducueraro cahmene m̄sare. Sa yena ñano ni b̄j̄uperaro cahmene m̄sare. Ahri pehere yero cahmene m̄sare. Cohãcjũ mehna yahuducuro cahmene m̄sare. Sa yahuducuna tiquirore “Quehnoano yeri m̄h̄u usãre”, nino cahmene. <sup>5</sup> Apee borore cahme ȳhd̄uana, “Cohãcjũ ijire”, mari ñiñe queoyere mari cahmeno saha yena niaja mari tire. Doeri cjẽne ño peoyequina yero saha yena niaja mari. Sa ye w̄hana tiyequina, ñañe dihitare t̄hotuyequina, apee borore cahme ȳhd̄uayequina Cohãcjũ, Cristo mehna tiquina p̄htoro ijirop̄u ne wahasi tiquina. Tire quehnoano masiaja mari. <sup>6</sup> Ohõ saha yeyequina tiquina yeri buhiri buhiri dahrerota Cohãcjũ tiquirore ȳhd̄uayequinare. Sa yena apequina m̄sare “Ahri ñañe ijierare”, tiquina ni mehogũ t̄hoeracãhña. <sup>7</sup> Sa yena ohõ saha ñano ye ȳhd̄uayequinare ne piti tieracãhña.

<sup>8</sup> Cristo yequina m̄sa ijiato pano sa ijirinata ijimedi m̄sa gũh̄u. Yojop̄u pehere tiquiro yequina ijina, Cohãcjũre quehnoano masine m̄sa. Cohãcjũ yequina quehnoañene yere. Sa yena sa yero cahmene m̄sare. <sup>9</sup> Sa yena Cristo yequina ijina quehnoañene, Cohãcjũ cahmeñene, ni mehono marieno yeducunata m̄sa. <sup>10</sup> Quehnoañene mari yegũ ihñano mari p̄htoro Cristo bucuere. Sa yena tire yeya. <sup>11</sup> Cristore cahmeeñequina ñañe tiquina yeye ñañe waro ijire. Sa yena tiquina yero saha m̄sa pehe yeracãhña. Quehnoañe buheyere Cristo yere yahuya tiquinare. Sa yena tiquina ñañe yeyere tiquinare masigũ yeya. <sup>12</sup> Masa ihñenop̄u tiquina ñano ye cohtere. Tiquina sa yerire yahuducuna mari b̄ue tiboaga. Sa

yeye ña yũhdũaro yere tiquina. <sup>13</sup> Sa yena tiquinare quehnoañe buheyere mari yahuna, ña yũhdũayequina tiquina ijiyere masigũ yena niaja mari tiquinare. Ijipihtiye mari yerire marine masigũ yere quehnoañe buheye, buhrioro marine ti ihña masigũ yero sahata. <sup>14</sup> Ti ijirota ijire. Sa ye ohõ saha ni yahure Cohãcjũ yere yahuyequina: Ne, yũhũre tũho duena, tũhoya mũsa. Mũsa ñañe yeyere bujũa witi, tire duhuya. Cristo mũsa ñañe yeyere masigũ yerota, ni yahure.

<sup>15</sup> Sa yena decoripe quehnoano yeya mũsa. Tũho masieñequina yero saha ijieracãhña. Tũho masina ijiya. <sup>16</sup> Yojopũ cjẽna masa ña yũhdũaro yeducure. Sa yena mũsa pehe quehnoañene, Cristo yere sa yeducuya mũsa. <sup>17</sup> Sa yena tũho masiena ijieracãhña. Cohãcjũ cahmeñene quehnoano masiña. Sa yena tire yeya. <sup>18</sup> Sa ye pairure sihni queheracãhña. Queheyequinare ñano yũhdũaro cua yũhdũare. Sa yena pairure tutuaro cahmedacãhña. Espiritu Santo pehere tutuaro cahmeña mũsa mehna tiquiuro quehnoano ijiatire. Tiquiurore quehnoano yũhtiya. <sup>19</sup> Sa yena mũsa basi Cohãcjũre ño peo basayere cahme yahuducuya. Sa yena Salmore Cohãcjũ yere basayere, apeye tiquiurore ño peo basaye gãhũre tiquiurore basa peoya mũsa. Quehnoano wacũ ño peoye mehna basa peoya. Sa yena mari pũhtoro Cristore ño peoya. <sup>20</sup> Cohãcjũ mari Pacũ ijipihtiyere mũsare tiquiurore ohorire bucue “Quehnoare”, sa niducuya mũsa tiquiurore. Mari pũhtoro Jesucristo yequina ijina mari Pacũre “Quehnoare”, sa niducuya mũsa.

*“Mũsa ihcã wũhũ cjãna Jesu yequina ijina, ohõ*

*saha yeya”, ni yahuahye Pablo*

<sup>21</sup> Sa ye m̄sa mehna c̄jēnare cahme ño peoye mehna yuhtiya. Sa cahme ño peo yuhtina Cristo ḡh̄re ño peona nine m̄sa.

<sup>22</sup> M̄sa namos̄numiare yahutja yojop̄re. Mari p̄htoro Cristore mari yuhtiro saha m̄sa man̄sum̄are quehnoano mehna yuhtina numia ijiya. <sup>23</sup> Jesucristo marine yuht̄ore tiquiro ya curua c̄jāna mari ijiatire. Sa yero mari tiquiro ya curua c̄jāna mari p̄htoro tiquiro ijiro saha m̄sa man̄sum̄a m̄sa namos̄numia p̄htoa ijire. <sup>24</sup> Sa yena Cristo yequina ijina tiquirore sa yuhtiducujaja mari. Sata m̄sa namos̄numia m̄sa man̄sum̄are quehnoano yuhtiducuna numia ijiya.

<sup>25</sup> M̄sa man̄sum̄a pehere yahutja yojop̄re. Cristo marine tiquiro yequinare cah̄no, mari ye ijiatire yariahye. Sa yena marine tiquiro cah̄diro saha m̄sa ḡh̄ m̄sa namos̄numiare quehnoano cah̄ducuya. <sup>26</sup> Cristo mari ye ijiatire yariahye mari ñāne yerire cosero taro. Tiquiro buh-eye quehnoañe buheye mehna mari ñāne yeyere cosere. Sa yero tiquiro yequina mari ijiḡ ih̄ño aco mehna marine wame yere. <sup>27</sup> Sa cosere marine tiquiro yequina ijianare yero taro. Tiquiro sa coseḡ ne ñāne buhiri mariena ijinata, tiquiro ih̄ñaḡ. Sa yena quehnoana, Cristo yero saha ijinata. <sup>28</sup> M̄sa namos̄numiare cah̄na, m̄sa basi m̄sa paḡire m̄sa cah̄no saha tiquina numiare cah̄ña. Mari namonore cah̄na mari paḡare cah̄na niaja.

<sup>29-30</sup> Ne mari paḡire ñano wahaḡ cahmedaja.

Mari ihyayere ihyana quehnoano yena niaja mari pagurire. Cristo yequina ijina tiquiro pagu yero saha tiquiro ya curua cjãna ijiaja mari. Sa yero marine quehnoano yere tiquiro. Sa yena Cristo marine tiquiro quehnoano yeriro sahata mari gũhũ mari pagure quehnoano yeaja. Mari namosãnumia gũhũre sata quehnoano yero cahmene marine. <sup>31</sup> Sata nine Cohãcjũ yere tiquina ojoari pũpũ: “Sa ye umũno tiquiro pacusumũare wijiaro tiquiro namono mehna ijirota. Sa ye tiquina pũaro ijiepetã ihcãquiro yero saha ijieta”, ni ojoahye panopũ. <sup>32</sup> Ahri tiquiro ojoarire apequina quehnoano tũhoerari jiri. Sa yegũ tire ohõ saha ni yahutja mũsare. Ohõ saha ni yahuro niaga. “Cristo tiquiro yequina mehna ihcã pagu yero saha ihcã curuata ijire”, ni yahuro niaga. <sup>33</sup> Sa yegũ mũsare ohõ saha ni yahu nemoutja tja: Mũsa pagurire mũsa cahĩno saha mũsa namosãnumiare cahĩña. Sa yena mũsa manũsumũare quehnoano ño peoya mũsa.

## 6

<sup>1</sup> Yojopũre macanagãre yahutja. Mari pũhtoro Cristo yequina ijina mũsa pacusumũare quehnoano yũhtiya. Mũsa sa yegũ quehnoarĩne. <sup>2-3</sup> Ohõ saha niahye Cohãcjũ dutiye: “Mũsa pacusumũare quehnoano ño peoya”, ni dutiahye tiquiro. Ahri dutiro mehna Cohãcjũ yahu nemoahye. Ohõ saha niahye: “Mũsa pacusumũare ño peona, ahri yehpapũ yoari pje bucueye mehna ijinata mũsa”, ni yahuahye. Tiquiro sa ni yahugũ ahri dutiro ihyo ijiri dutiro ijierare. Sa yena tiquiro nidiro saha mũsa pacusumũare ño peoya.

<sup>4</sup> Yojoꝛꝛe tiquina pacꝛꝛꝛꝛe yahutja: Mꝛꝛa pohñare sa tuhtiducueracãhña, “Usuagũ yeari”, nina. Mari pãhtoro Cristo tiquiro cahñe mehna tiquiro yedohoye mehna tiquinare quehnoano cohteya. Sa yena tiquinare quehnoano yahuya.

<sup>5</sup> Yojoꝛꝛe cahacjãñare mꝛꝛsare yahutja: Cua pe-saro mehna, ño peoye mehna ahri yehpa cjẽñare mꝛꝛa pãhtoare quehnoano yãhtiya. Ni mehono marieno quehnoano yãhtiya. Cristore mꝛꝛa yãhtiro sahata tiquinare yãhtiya mꝛꝛa.

<sup>6</sup> Tiquina ihñono dihitare yãhtina ijieracãhña. Sa yeyequina masa dihitare tiquinare ihña bu-cuegũ cahmene. Mꝛꝛa pehe Cristo tiquiro ca-hacjãna mꝛꝛa ijiro saha mꝛꝛa pãhtoa gũhꝛe sa yãhtiducuya. Cohãcjũ tiquiro cahmeno sahata quehnoano bucueye mehna yãhtiya. <sup>7</sup> Sa yena Cristore yãhtina mꝛꝛa ijiro saha bucueye mehna yãhtiya mꝛꝛa pãhtoa gũhꝛe. “Masa dihitare yãhtina niaja”, ni tahotueracãhña. <sup>8</sup> Sa yena ahrire wacũña: Ijipihtina quehnoañene mari yegũ ihñano Cohãcjũ quehnoano yerota marine. Cahacjẽñare, cahacjẽna ijieyequina gũhꝛe quehnoano yerota.

<sup>9</sup> Yojoꝛꝛe pãhtoare yahutja: Mꝛꝛa cahacjẽñare quehnoano yeya. Tiquinare quehnoano yahꝛ ye dutiriro sahata yeya mꝛꝛa gũhꝛ tiquinare. Tiquinare tuhtiperacãhña. Æhmꝛse cjũno Cohãcjũ potota tiquina pãhtoro ijire. Mꝛꝛa yaquiro pãhtoro ijire tiquiro gũhꝛ. Sa yena ijipihtina mꝛꝛa tiquiro cahacjãna dihita ijire. Sa yero tiquiro ihcãno saha ihñare mꝛꝛsare ijipihtinare. Sa yena mꝛꝛa cahacjẽñare tuhtiperacãhña.

*Cristo yequina watñore tiquina cahmotarire yahuahye Pablo*

<sup>10</sup> Ahrire yahu bato tiitja musare: Quehnoano wacũ tutuana ijiya musa. Mari puhtoro Cristo musa mehna ijire. Sa yena tiquiro ye masiñe mehna wacũ tutuana ijiya. <sup>11</sup> Watño marine ni mehono, ñano ye dutire marine. Cohãcjũ marine cahmotare mari ñañene yeborire. Marine tiquiro cahmotaye surara tiquiro cahmotari suhtiro, come suhtiro yero saha ijire. Sa yena ti suhtirore musa sañano saha Cohãcjũ tiquiro cahmotayere quehnoano cno pehoya. <sup>12</sup> Jesu yequina mari ijigã, marine ihña tuhtiyequina masa waro ijierare. Uhmuse cjëna ijimediquina ñañequina, tutuayequina, tiquina pehe ijire marine ihña tuhtiyequina. Watña ahri yehpa cjëna puhtoa ijire. Sa ye tiquina gãhu ijire marine Jesu yequinare ihña tuhtiyequina.

<sup>13</sup> Sa yena yojopare cahmotari suhtirore musa sañano saha Cohãcjũ musare tiquiro cahmotatire tiquiro yere quehnoano cno pehoya. Sa yena watño musare tiquiro ñano ye dutigã, musare tiquiro ñano ye duagã, tiquirore cahmotanata. Sa yena yuhducanata. Sa tiquirore yuhducana, tutuana tojoanata musa.

<sup>14</sup> Sa yena tutuana ijiya. Cohãcjũ musare tiquiro cahmotatire ohõ saha yeya musa:

Surara tiquiro come suhtiro mehna tiquiro jeripohnare cahmotariro saha poto yahuyere Cohãcjũ yere quehnoano tuhoya musa watñore musa cahmotatire. Sa yena Cristo yedohoye mehna quehnoana ijiya musa, watñore musa quehnoano cahmotatire.

<sup>15</sup> Surara tiquiro dahpo suhti mehna tiquiro dahpocãrine tiquiro cahmotariro saha quehnoañe buheyere quehnoano masiña m̄sa, watĩnore m̄sa cahmotatire. Ti buheye marine quehnoano ijigũ yere.

<sup>16</sup> Surara tiquiro tohoriro mehna tiquiro cahmotariro saha Cristore quehnoano wacũ tutuaducuya m̄sa watĩnore m̄sa cahmotatire. B̄eye c̄ju mehna tiquiro sihã m̄sare tiquiro b̄uedoqueboro saha watĩno m̄sare ñano yegũ ye duare. Sa yena Cristore quehnoano wacũ tuana, cahmotanata m̄sa.

<sup>17</sup> Surara tiquiro come sapea mehna tiquiro dapure cahmotariro saha m̄sare pecap̄ waha-borinare Cristo ȳhd̄orina ijiya m̄sa, watĩnore m̄sa cahmotatire.

Surara tiquiro ñoseni p̄jĩ mehna tiquiro cahmotariro saha Cohãcjũ ye buheyere quehnoano masiña m̄sa, quehnoano m̄sa cahmotatire. Sa yena apequinare quehnoano yahuya tiquiro yere. Ti Cohãcjũ ye buheyere Espíritu Santo marine yahure.

<sup>18</sup> Sa m̄sa watĩnore cahmotana Cohãcjũre decoripe sa siniducuya. Espíritu Santo yedohoye mehna sa siniducuya. Sa yena quehnoano wacũ masiña. Sa sinina, caributieracãhña. Ijipihtiyequina Cohãcjũ yequinare sa sini basaducuya. <sup>19</sup> Sa yena ȳh̄ ḡh̄re sini basaya Cohãcjũre. Ohõ saha ni sini basaya: Quehnoañe buheyere, panop̄ tiquina masiedarire quehnoano ȳh̄ yahuatire sini basaya ȳh̄re. Sa yena cuero marieno ȳh̄ yahuatire sini basaya ȳh̄re. <sup>20</sup> Cristo tiquiro yere yahu dutiro ȳh̄re

ohori. Yñhñ sa yahuri buhiri peresupñ ijiaja yojopñre. Ohõrñ yñhñ ijiepegãta cuero marieno tiqũiro yere yñhñ yahuatire sini basaya yñhñre. Tĩquiuro yere yahucjñ ijigũta niaja yñhñ.

*Pablo quehnoa duti bato tiahye*

<sup>21</sup> Yojopñre Tĩquico mñsa cahapñ esaro yñhñ ijiye tiyere mñsare yahu pehorota. Tĩquiuro mari acayũro mari cahñniquiuro ijire. Sa yero mari pũhtoro yere quehnoano yedohoriquiro sa ijiducure. <sup>22</sup> Usã ijiye tiyere mñsare yahu dutigñ tiquiore ohogñ niaja mñsa quehnoano bu-cueatire.

<sup>23</sup> Cohãcjũ mari Pacñ mari pũhtoro Jesucristo gũhñ tiquina mehna mñsa ijipihtinare usã acayere quehnoa dutiaja. Cristore mñsa quehnoano wacũ tutuaye mehna mñsa cahme cahĩatire Cohãcjũre sini basaja mñsare. <sup>24</sup> Ijipihtiyequina mari pũhtorore Jesucristore sa cahĩducuyequinare Cohãcjũ mehna quehnoa dutiaja.

**Cohãcǔ Yere Yahuducuri Tju**  
**New Testament in Piratapuyo (CO:pir:Piratapuyo)**

copyright © 2011 Wycliffe Bible Translators, Inc.

Language: Piratapuyo

Translation by: Wycliffe Bible Translators, Inc.

Piratapuyo [pir], Colombia

**Copyright Information**

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

**The New Testament**

in Piratapuyo

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

---

PDF generated using Haiola and XeLaTeX on 21 Feb 2024 from source files  
dated 29 Jan 2022  
ad83cef1-6eb5-5233-a8f3-356e47bbda0d